



American Northwest  
University of Health  
Science and  
Technology

AMERICAN NORTHWEST UNIVERSITY  
OF HEALTH SCIENCE AND TECHNOLOGY

Broj: 186/24

Datum: 24.04.2024. god.

Seada Sofovića Sofe 27

T: +38738941842

F: +3873894184

info@iug.ba

www.iug.ba

Na osnovu člana 53. stav 3. i 112. Zakona o visokom obrazovanju (Sl. Novine Bosansko Podrinjiskog Kantona broj 2/10, 12/14 i 10/17), i članova 29., 89. i 90. Statuta Senat American Northwest University of Health, Science and Technology/Američki Sjevero-zapad Univerzitet za Zdravstvene nauke i Tehnologije ANUHS/ASUZN na svojoj sjednici održanoj dana 15.02.2024. godine d o n o s i:

ODLUKU  
O OTVRDIVANJU STATUSA NASTAVNA BAZA FAKULTETA ZDRAVSTVENIH STUDIJA ZA  
STOMATOLOŠKA ORDINACIJA „KOVAČEVIĆ“

Član 1.

Ovom Odlukom utvrđuju se da je Stomatološka ordinacija „Kovačević“ nastavna baza ANUHS/ASUZN-Fakultet zdravstvenih nauka sa smjerovima, za one kliničke predmete i oblasti za koje ispunjava uslove.

Član 2.

Stomatološka ordinacija „Kovačević“ je zdravstvena ustanova registrovana za obavljanje stomatoloških usluga i dentalne zaštite koja ispunjava uvjete prostora, opreme i kadrova za obavljanje praktične i specijalističko-konzultativne zdravstvene djelatnosti u oblasti dentalne medicine.

Član 3.

U nastavnoj bazi Stomatološka ordinacija „Kovačević“ studenti Univerziteta će obavljati dio praktičnog nastavnog plana i programa studijskih programa Fakulteta zdravstvenih nauka, na koje su upisani.

Član 4.

Ova odluka stupa na snagu danom donošenja.

PREDSJEDAVALJUĆI SENATA


Prof. Dr Muamer Karić



Dostavljeno:

1. Dekan FZN
2. Služba za nastavu
3. Stomatološka ordinacija „Kovačević“

AMERICAN NORTHWEST UNIVERSITY OF HEALTH SCIENCE AND TECHNOLOGY- AMERIČKI SJEVERO-ZAPAD  
UNIVERZITET ZA ZDRAVSTVENE NAUKE I TEHNOLOGIJE  
ID BROJ/ID NUMBER:4245074910006, BROJ SUDSKOG REŠENJA/ COURT DECISION NUMBER: 045-0-REG-14-000 063,  
OPĆINSKI SUD U GORAŽDU/ MUNICIPAL COURT IN GORAŽDE  
TNR ZIRAAT BANK 186-000-1072476-159



## SPORAZUM O SARADNJI

Da je American Northwest University of Health Science and Technology/Američki Sjeverozapad Univerzitet za Zdravstvene Nauke i Tehnologije ANUHS/ASUZN osnovan kao Privatna visokoškolska ustanova, te rješenjem broj: 045- 0- Reg-14-000 063 od 13.10.2014. godine upisana u sudski registar, a rješenjem broj: 10-38-2437-5/14 od 23.09.2014. godine u Registar visokoškolskih ustanova u Bosansko-podrinjskom kantonu, i da ANUHS/ASUZN u svom sastavu ima i Fakultet zdravstvenih nauka, sa utvrđenim studijskim programima; Opšta medicina, Stomatologija, farmacija, Opšte sestrinstvo i Fizikalna terapija. Kao mlada ustanova ovoga tipa ima viziju razvoja naučno-istraživačke i obrazovne djelatnosti, između ostalog, i na području zdravstvenih nauka. Uz navedeno, aktima ANUHS/ASUZN predviđena je mogućnost izvođenja nastave na engleskom i turskom jeziku, zbog pokazane potrebe u regiji za fakultetima ove vrste i nastavom organiziranom na taj način.

Da ANUHS/ASUZN ima misiju i cilj da planiranjem i realizacijom nastave, te ostalim oblicima rada sa studentima i drugim korisnicima svojih usluga izgradi imidž institucije od značaja za regionalni razvoj. Vođeni programskim ciljevima, ANUHS/ASUZN uspostavlja odnose sa institucijama koje daju međunarodni legitimitet obrazovnom projektu koji će Univerzitet da provodi.

Da ANUHS/ASUZN kroz kontinuiranu saradnju sa relevantnim subjektima gradi odnose povjerenja i profesionalnosti sa korisnicima usluga u lokalnoj zajednici i regionu, a kroz uspostavljanje Sistema kvaliteta primjenjuje međunarodne standard obrazovanja.

Da je odredbama čl. 89. i 90. Statuta ANUHS/ASUZN br. 08-392-01/22 donesenog 24.02.2022. godine utvrđeno da ANUHS/ASUZN može sklapati posebne ugovore o organiziranju studijskih programa ili izvedbe dijela određenih studijskih programa, a što treba koristiti kao model unaprjeđenja saradnje sa ključnim akterima u oblasti obrazovanja i zdravstva, u cilju pružanja najvećeg mogućeg standard znanja i vještina polaznicima studija ANUHS/ASUZN.

Da PZU Stomatološka ambulanta „Kovačević“ Foča (u dalkem tekstu: „Kovačević“) teži da postane respektabilna, kadrovski i materijalno vrhunski opremljena stomatoška zdravstvena

ustanova posvećena pacijentu, učinkovit prenosnik znanja i vještina potrebnih za kvalitetno educiranje stručnjaka dentalne medicine, ustanova koja ima jasnu viziju i misiju svog razvoja, ustanova koja je otvorena za nove ideje, inicijative i težnje, s ciljem unaprjeđenja zadovoljstva svih interesnih skupina, sa naglaskom na pacijente, kojima će se, kroz proces dentalne zaštite i njege, a uz primjenu najsavremenijih stomatoloških postupaka, pružiti dentalne usluge vrhunskog kvaliteta

Da „Kovačević“ predstavlja visoko stručnu zdravstvenu ustanovu iz oblasti dentalne medicine te da ima za cilj da pruži najbolju uslugu pacijentima u skladu sa evropskim i svjetskim standardima, rukovodeći se vrijednostima timskog rada, razvijanjem odgovornosti prema zajednici, poštivanjem etičkih kodeksa, strategijskim upravljanjem resursa, kontinuiranim unaprjeđenjem dijagnostičko-terapijskih procedura i metoda liječenja od strane kvalitetnog i educiranog stručnog kadra, što u krajnjoj distance doprinosi i unapređenju zadovoljstva ključne interesne skupine – korisnika njegovih zdravstvenih usluga.

Da „Kovačević“ po strukturi kadra, opreme, prostora i rezultatima postignutim u praksi predstavlja značajnu zdravstvenu i istraživačku ustanovu.

Da Odlukom Senata Univerziteta „Kovačević“ može dobiti status nastavne baze Univerziteta kojom bi bilo utvršeno da „Kovačević“ obavlja nastavno-edukativni rad za potrebe fakulteta zdravstvenog usmjerenja, naučno-istraživački rad, medicinska i naučna ispitivanja, kao i klinička ispitivanja u djelatnostima za koje je registrirana, kao i da obavlja stručno osposobljavanje i obrazovanje doktora dentalne medicine, te učestvuje u izvođenju dodiplomske i postdiplomske nastave na studijskom programu Stomatologija Univerziteta.

Da će u saradnji sa ANUHS/ASUZN, a kroz nastavne programe Fakulteta zdravstvenih nauka ANUHS/ASUZN, i to za studijski program Stomatologija, biti intenzivirane aktivnosti na područjima naučno-istraživačkog rada u svim oblastima, kako je unaprijed navedeno,

i na osnovu obostrano iskazane volje

American Northwest University of Health Science and Technology/Američki Sjevero-zapad Univerzitet za Zdravstvene Nauke i Tehnologije ANUHS/ASUZN, sa sjedištem u ul. Seada Sofovića Sofe 27, Goražde, kojeg zastupa VD Rektor Prof dr. Šefket Krcić (u daljem tekstu: Univerzitet)

i

Stomatološka ambulanta „Kovačević“ Foča, sa sjedištem u ul. Svetosavska broj 3 Foča, kojeg zastupa dr. Dentalne medicine Maja Kovačević-Pušara.

Zaključuju:

## SPORAZUM O SARADNJI

### Član 1.

American Northwest University of Health Science and Technology/Američki Sjevero-zapad Univerzitet za Zdravstvene Nauke i Tehnologije ANUHS/ASUZN i Stomatološka ambulanta „Kovačević“ Foča zaključuju ovaj Sporazum radi definiranja međusobnih odnosa, prava, obaveza i odgovornosti u oblasti saradnje, koja može da se provodi u različitim oblicima partnerstva, ali se bazira na povezanosti osnovnih djelatnosti potpisnika ovog Sporazuma i sa ciljem unapređenja i ostvarivanja zajedničkih interesa.

### Član 2.

- a) Naučno-istraživački rad i projekti;
- b) Medicinska i naučna ispitivanja;
- c) Nastavno-edukativni rad (angažmanom stručnjaka/nastavnika, asistenata, radnika, saradnika, istraživača/ Stomatološka ambulanta „Kovačević“ Foča u procesu provođenja teoretske nastave na Fakultetu zdravstvenih nauka, a koji za to ispunjavaju uvjete utvrđene posebnim propisima);
- d) Razmjena obrazovnog, naučnog i stručnog kadra;
- e) Organizaciju i učešće na konferencijama, obukama, seminarima, radionicama, vježbama i drugim modulima obučavanja polaznika studijskih programa Fakulteta zdravstvenih nauka;
- f) Ekspertnu, odnosno konsultantsku pomoć i saradnju u utvrđivanju sadržaja studijskih programa, a koji se odnose na oblast zdravstva;
- g) Druge oblike saradnje kojima se ostvaruju interesi strana potpisnica ovog Sporazuma, a saglasno odredbama Statuta ANUHS/ASUZN i Stomatološka ambulanta „Kovačević“ Foča, kao i propisima iz oblasti visokog obrazovanja i oblasti zdravstva kojima se uređuje rad i djelatnost ovih ustanova.

Osim saradnje iz stave 1. Ovog člana, potpisnici Sporazuma saraduju i kroz nastavno-edukativni rad za potrebe Fakulteta zdravstvenih nauka ANUHS/ASUZN, a u smislu provođenja praktične nastave. Stomatološka ambulanta „Kovačević“ Foča u tom slučaju ima status partnera i čini nastavnu bazu ANUHS/ASUZN za provođenje praktičnog dijela nastave Fakulteta zdravstvenih nauka.

Bliži uvjeti saradnje iz stave 2. Ovog Sporazuma uređuju se posebnim aktom (ugovorom, sporazumom i sl.) između ANUHS/ASUZN i Stomatološka ambulanta „Kovačević“ Foča, a za potrebe Fakulteta zdravstvenih nauka.

### Član 3.

ANUHS/ASUZN je obavezan da na osnovu javnog oglasa izvrši selekciju profesora, predavača i asistenata na Fakultetu zdravstvenih nauka. Dio nastavnog kadra činit će i stručnjaci Stomatološka ambulanta „Kovačević“ Foča, prvenstveno za klinički dio nastavnih planova i programa Fakulteta zdravstvenih nauka, odnosno studijskog programa Stomatologija organiziranog u okviru ovog Fakulteta.

Član 4.  
Zajedno sa Mnadžmentom „SANASA“, ANUHS/ASUZN će izvršiti selekciju nastavnika i asistenata iz Stomatološka ambulanta „Kovačević“ Foča, koji će nakon procedure izbora na vježbi na Fakultetu zdravstvenih nauka, kako na dodiplomskom, tako i na postdiplomskom studiju.

Zbog integralnog procesa izvođenja nastave i vježbi, nastavnici i asistenti iz Stomatološka ambulanta „Kovačević“ Foča imaju nastavne obaveze i odgovornosti kao stalno zaposleni na Fakultetu zdravstvenih nauka ANUHS/ASUZN, sa nepunim radnim vremenom čije trajanje će ugovorne strane odrediti naknadno, i na taj način njihovim angažmanom ANUHS/ASUZN ispunjava sve uvjete u pogledu propisanih kadrovskih standard za rad Fakulteta.

Član 5.  
Izabrano akademsko osoblje iz člana 4. Ovog Sporazuma zadržavaju zvanja i angažman na Fakultetu zdravstvenih nauka ANUHS/ASUZN po osnovu ovog Sporazuma u slučaju prestanka radnog odnosa u Stomatološka ambulanta „Kovačević“ Foča, odnosno prelaska u druge zdravstvene ustanove.

Član 6.  
Saglasno Statutu, nastava na Fakultetu zdravstvenih nauka ANUHS/ASUZN može biti organizirana na engleskom jeziku. ANUHS/ASUZN obavezuje se organizirati kontinuirano usavršavanje nastavnog i akademskog osoblja iz engleskog jezika kako bi Stomatološka ambulanta „Kovačević“ Foča postao ustanova u kojoj će pored službenih jezika BiH i navedeni jezici biti u upotrebi na načina da to zadovoljava potrebe izvođenja nastave.

Član 7.  
Nastavno osoblje iz člana 4. ovog Sporazuma ima pravo na naknadu za svoj rad, odnosno sudjelovanje u nastavi Fakulteta zdravstvenih nauka ANUHS/ASUZN, a u skladu sa propisima o radu u Federaciji Bosne i Hercegovine i Republike Srpske i internim pravilima ANUHS/ASUZN, i to shodno vrsti angažmana.

Član 8.  
ANUHS/ASUZN i Stomatološka ambulanta „Kovačević“ Foča će zajednički raditi na istraživačkim projektima, te nastojati iznaći sredstva za tu namjeru od državnih, entiteskih, kantonalnih, inostranih vladinih i nevladinih fondova, posebno EU fondova, kao i donacije od međunarodnih institucija, agencija i sl. Sredstva od projekata bit će usmjerena u skladu sa pripremljenim programom koji potpisuju ovlašteni predstavnici ANUHS/ASUZN i Stomatološka ambulanta „Kovačević“ Foča.

Član 9.  
Nastava i praksa na Fakultetu zdravstvenih nauka će se odvijati na navedenom Fakultetu u pogledu općih predmeta i u prostorijama „SANASA“ u pogledu realizacije dijela kliničkih predmeta, i to na način uređen posebnim sporazumom između ANUHS/ASUZN i Stomatološka ambulanta „Kovačević“ Foča. U vezi sa kliničkim predmetima, nastava će biti organizovana

tako da osoblje Stomatološka ambulanta „Kovačević“ Foča ima pogodnosti u smislu rasporeda rada sa studentima.

## II.- Odgovornost

### Član 10.

U procesu rada Fakulteta zdravstvenih nauka ANUHS/ASUZN za svaku eventualnu tužbu prema Fakultetu, odnosno ANUHS/ASUZN podnesenu od strane fizičkih ili pravnih lica, Stomatološka ambulanta „Kovačević“ Foča ne snosi odgovornost. Odgovornost u tom slučaju snosi isključivo ANUHS/ASUZN.

### Član 11.

ANUHS/ASUZN je dužan osigurati studente za eventualnu povredu u toku boravka u prostorijama univerziteta, ali i u prostorijama Stomatološka ambulanta „Kovačević“ Foča, kada student tu borave, u vezi sa praćenjem nastave i ispunjavanjem propisanih studentskih obaveza.

### Član 12.

ANUHS/ASUZN snosi odgovornost za finansijsku samoodrživost i nesmetano odvijanje nastavnog procesa na Fakultetu zdravstvenih nauka.

### Član 13.

Stručnjaci Stomatološka ambulanta „Kovačević“ Foča angažirani u radu Fakulteta zdravstvenih nauka ANUHS/ASUZN (izabrani u odgovarajuće zvanje na ovom Univerzitetu ili stručnjaci iz prakse) dobijaju rješenje o izboru u odgovarajuća nastavno/naučno zvanje, kao i rješenje/ugovor o mjesečnoj nadoknadi za svoj rad na studijskim programima Fakulteta zdravstvenih nauka.

### Član 14.

Potpisnici ovog sporazuma se obavezuju da će se pridržavati visokih standarda (prostor, oprema, nastavnici, asistenti i stručnjaci iz prakse) u realizaciji različitih oblika saradnje temeljem ovog Sporazuma, tako da svaki student dobije vrhunsko obrazovanje u području zdravstvenih nauka i biomedicine.

## III. – Završne odredbe

### Član 15

Potpisnici Sporazuma su saglasni da će se posebnim aktima ANUHS/ASUZN i Stomatološka ambulanta „Kovačević“ Foča imenovati osobe odgovorne za provođenje odredbi ovog Sporazuma i koordinaciju u realiziranju istog.

### Član 16.

Za sva pitanja koja nisu regulirana ovim Sporazumom, a u slučaju da se ukaže potreba i interes, ugovorene strane pristupit će donošenju aneksa ovog Sporazuma.

Član 17.

Potpisnici ovog Sporazuma su saglasni da će, u slučaju spora, a vezano za tumačenje ili realiziranje ovog Sporazuma, isti pokušati riješiti dogovorom, mirnim putem i iznalaženjem obostranih najboljih rješenja, a ako to nije moguće da će formirati zajedničku arbitražnu komisiju, koju će sačinjavati po dva predstavnika strana potpisnica ovog Sporazuma, i jedan predstavnik Asocijacije studenata ANUHS/ASUZN.

Član 18

Ukoliko potpisnici Sporazuma ne postignu dogovor, odnosno rješenje putem arbitraže u skladu sa članom 17. ovog Sporazuma, u tom slučaju u roku od 15 dana, mogu podnijeti zahtjev da se spor rješava pred nadležnim sudom.

Član 19.

Svaka strana potpisnica ovog Sporazuma, isti može otkazati, ali se Sporazum ne može prekinuti/otkazati dok traje ciklus školovanja jedne generacije studenata (6 godina).

ANUHS/ASUZN je obavezan informirati potencijalne studente (maturante koji konkuriraju za upis u i godinu studija na Fakultetu zdravstvenih nauka ukoliko dobije obavijest Stomatološka ambulanta „Kovačević“ Foča o namjeri otkazivanja ugovorenih aktivnosti. Stomatološka ambulanta „Kovačević“ Foča i ANUHS/ASUZN mogu slične ugovore sklapati i sa drugim ustanovama u domenu zdravstvenih nauka i prakse, a u cilju što uspješnije realizacije svojih misija.

Član 20.


Ovaj Sporazum stupa na snagu i primjenjivat će se od ..... 2024. godine.

Član 21

Ovaj Sporazum je sačinjen u 4 /četiri/ primjerka, od kojih po 2 /dva/ primjerka zadržava svaka strana potpisnica.

Za ANUHS/ASUZN

Za Stomatološka ambulanta „Kovačević“ Foča

 Akademik Prof. dr Šefket Krcić

dr Maja Kovačević-Pušara

Broj: 146/24  
Datum:  
09.04.2024



Broj:  
Datum:

Maja Kovačević-Pušara

